

〔易林本節用集〕草木粟禾

〔多識編〕穀梁今案於保阿和俗曰散留阿和粟阿和異名秬粟音終爾雅

糯稊唐本

〔本朝食鑑〕二華和異同粟

粟梁諸說不同然梁卽粟也周禮九穀六穀之名有梁無粟可知矣自漢以後始以大而毛長者爲梁細而毛短者爲粟今則通呼爲粟而梁之名反隱矣近代亦稱梁大粟小也惟本邦近世總以粟而稱之未聞梁之名而已

〔黍稷稻粱辨〕禾總名黍稷稻粱皆名爲禾麻與菽麥則無禾稱雖然古書稱禾者皆稱粟也說文曰粟禾子也呂氏春秋審時篇曰得時之禾長稔長穗大本而莖殺其粟圓而薄糠其米多沃而食之強其次稱得時之黍又其次稱得時之稻則初單謂禾者其爲粟截然可知矣左氏傳取溫之麥秋又取成周之禾春秋書無麥禾亦皆謂粟也又粟總稱曰穀禾穀者雖黍稷稻粱之通稱中國以粟爲百穀之主故粟獨有是總稱焉周禮舍人掌粟入之藏注九穀俱藏以粟爲主是也賈思勰曰穀者總名非止爲粟也然今人專以稷粟也爲穀望俗名之耳又農政全書曰古所謂稷通稱爲穀或稱粟物之廣生而利用者皆以其公名名之如今古皆稱稷爲穀也晉人稱蔓菁爲菜吳人稱棗爲菓稱陵苕爲草洛陽稱牡丹爲花故古謂嘉禾嘉穀者皆指嘉粟而稱之也援神契曰王者德至于地則嘉禾生昔者神農作天錫之嘉穀九穗堯時得三十五穗夏時異本同莖而爲一穗唐叔得嘉禾異畝同穎或曰一株六穗或曰一莖九穗非粟則無此異也故嘉禾嘉穀又謂之嘉粟見宋書瑞粟見唐書是古禾穀爲粟之總稱者更無疑矣又可并見中國以粟爲常食也

右辨禾穀爲粟之總稱一條

〔段注說文解字〕七上禾嘉穀也嘉禾疊韵生民詩曰大降嘉穀維靈維芑靈芑爾雅謂之赤苗白苗許